

金子久先生

金子久。大庥人家。世以醫傳。皆沈潛弗彰。迨先生而奇峯突起。大名震海內。先生善屬文。深得六朝之神髓。故素語多以儷辭爲之。有枚
乘之速。相如之工。

金 子 久 醫 案 目 錄

胎產	經帶	腫脹	痛閉	遺精	小便淋濁	七駁	脫腹痛	癰疹	溫病	欬嗽	中風	內傷
.....												
三	九	五	三	白	白	七	古	至	天	七	三	一

金子久醫案

武進徐衡之編纂
嘉定姚若琴

內傷

蘇州沈左年逾弱冠。質素清癯。本非松柏貞固之姿。益以下焦爲病。久濁久淋。中其爲病。少運少納。中下之根本先受其撥也。要知根本一撥。則枝葉未有不凋者也。夫五臟之根本。脾也。腎也。而五藏之枝葉。心也。肺也。脾不足。無以化精微。爲痰濁。腎不足。無以納真氣。爲短氣。肺不足。無以肅清氣。爲欬逆。心不足。無以鎮神志。爲飄渺。腎爲肝母。肺爲脾子。腎病則肝本失滋養。之權。脾病則肺金失相生之機。木能尅土。金能制木。金虛不能肅本。木氣勢必橫逆。土受木侮。下爲溏泄。金被火刑。上爲欬滿。動則自汗。靜則盜汗。脈象左右沈弦而微。舌質滑白。尙未乾燥。夫人之扼要。陰陽氣血是也。而人之至寶。精神魂魄是也。陰從下洩。陽從汗洩。氣不生血。形色沃然不澤。精不御神。

寐中蠕然而動。陰陽交離。氣血交脫。精神不守。魂魄不安。則奄奄而困阨。豈不岌岌危哉。治分新久。藥貴引用。新病陰陽相乖。補偏救弊。宜用其偏。久病陰陽漸損。補正扶元。宜用其平。陽脫於外。宜陽藥中參陰藥。從陰以引其陽。陰脫於內。宜陰藥中參陽藥。從陽以引其陰。使陰陽復返其宅。而凝然與真氣同戀。經云。陰平陽秘。精神乃治。正謂此也。脾不健運。尤爲亟亟。必當理脾。蓋脾氣者。人身健運之陽。如天之有日也。脾旺則如烈日當空。片雲纖翳。能掩之乎。其次再用治肺。肺爲氣之帥。肺氣清則嚴肅下行。氣下行則精之藉爲堅城固壘者也。吸納之氣。艱歸於根。不得不增用收攝腎氣。以資歸納。酌錄數味。還希明政。

吉林參 於朮 訶子 茯苓 蛤蚧 龍齒 熟地 川貝 牡蠣 橘紅 肉果 龍肝

復診。頃診左部脈象細弦。細爲臟陰不足。弦爲肝陽有餘。按得右部脈形小數。小爲氣虛。數爲營熱。但數不過甚。非實熱可知。上有咳喘。下乃溇洩。

胃納索然。形色削瘦。是上下交損。而及於中焦。動定有汗。此陰陽兩傷也。呼吸氣逆。此出納少權也。寤寐欠安。此精神失守也。調治綱領。祇得不揭其形狀。以力圖補救之法。未知當否。請政。

吉林參 於朮 橘紅 淮山藥 藟豆 白芍 川貝母 牡蠣 茯神 綿芪皮 訶子 糯根

三診。金上失生。欬逆洩瀉。水土失交。口渴恍惚。陰陽兩傷。自盜汗洩。氣血兩耗。形瘦色奪。左脈關部細弦。右脈寸部小數。兩尺均形柔弱。就脈而論。一派虛象。正合仲訓男子脈大爲勞。極虛亦爲勞。總之虛久不復爲之損。損久不復爲之勞。損及三焦。勞及陰陽。昔賢皆謂不治之症。抑且奉藏者少。奉生者亦少。則陰陽從何維持。勢必至竭蹶之虞。今訂之方。專培其脾。惟治脾者。有一舉而兼備三善。一者脾氣旺。如天青日朗。而龍相潛伏。一者脾氣旺。則游溢精氣。而上供於肺。一者脾氣旺。而水穀精微。以復生其不竭之血也。固斂陰陽。收納腎氣。亦須瞻顧方呈政服。

吉林參 龍齒 牡蠣 冬虫草 川貝 橘紅 訶子 山藥 於朮 羌皮 坎氣 蔚豆

四診。火不足無以溫養脾土。土不足無以資生肺金。脾土無鼓舞之機。少食多瀉。肺金無清肅之機。少欬多痰。久痢久瀉無不傷之於腎。腎氣不納。固攝失司。上見欬逆。下爲瘕洩。脈象細弦而弱。舌質中黃邊花。臟腑日損。陰陽日離。草木難効。生機絕望。欲求苟延殘喘。惟有益火生土。以資補救而拯困阨。

肉果 胡桃 柿骨 川貝 訶子 五味子 粟壳 赤石脂 橘紅 山藥 扁豆 吉林參

於朮

五診。昨夜大便次數較少。而小洩甚多。咳喘氣逆雖平。而寤寐欠安。脈象仍形如昨。舌質依然點花。中脘似覺欠舒。下體足脬浮腫。種種見症。其損者不獨專在臟腑。而精神魂魄。亦受彰響。所進一日水穀之精華。不足以供一日之運用。陰陽漸耗。生機漸殆。病何愈哉。治當峻補。

粟壳 訶子 肉果 胡桃 補骨脂 五味子 橘紅 麥冬 山藥 川貝 吉林參 於朮

杜蘅

六診陰虛及陽。上損及中。陰陽卽氣血也。上中卽脾肺也。久咳久嗽。非肺之一家受傷。久痢久瀉。又非脾之一臟受傷。經云。五臟六腑。皆令人咳。少陰腎臟。亦能作瀉。其瀉於五更者。已可想見。清氣下陷爲跗腫。濁陰上乘爲舌腐。昨夜更衣少。納食增。無足恃也。脈來細弱。兩尺更乏神韻。仍擬訶子粟壳。以養臟止瀉。參用四神以益火生土。藉此鼓舞中焦。以冀增穀或可苟延。

訶子 粟壳 肉果 橘紅 川貝 杜蘅 赤石脂 吉林參 冬虫草 鹿角霜 五味子

七診更衣清薄較緩。小溲清長頻頻。脾氣雖稍健運。腎家仍無固攝。盜汗未已。咳喘猶作。中脘舒適。納食尙鈍。舌中光剝。邊起腐花。脈象沉細。兩尺更弱。病久元虛。陰傷液耗。清陽從下而陷。濁陰從上而逆。日下所恃者。尙無寒熱交爭。陰陽或有一線之拘負焉。仍擬前法而引伸之。亦堅壁清野之義。

也。

訶子肉 粟壳 荳肉 白芍 牡蠣 川貝 五味子 橘紅 冬虫夏草 赤石脂 於朮 鹿角霜 吉林參

八診喉痰唧唧之聲較平。腸中濯濯之鳴未息。二便次數漸少。兩足浮腫尙甚。若論痰洩二端。似有轉機之象。無如病久正虛。實有不堪設想。今脈依然沉細。舌質猶見花白。經云盛者責之。虛者實之。勞者溫之。損者益之。調治之法不出此旨範圍。但區區之草木。恐未必有挽回造化之術。

鹿角霜 龜版 訶子 粟壳 於朮 荳肉 川貝 赤石脂 五味子 牡蠣 冬虫夏草 兔耳 吉林參

九診腎爲先天之根。脾爲後天之木。腎虛則根怯。脾虛則本薄。呼納之氣。無以歸壑。游溢之精。不獲敷布。留蓄中焦。悉變痰濁。痰升氣逆。其勢可畏。肺金久失清肅之權。津液尤失灌溉之機。若見喘息汗洩。便有脫絕之虞。脈

象弦沉不弱。舌質花剝不澤。根本日竭。生機日殆。施草木功。焉能補救。設有愈之之方者。其仙乎。

莖耳 燕窩 橘紅 訶子 吉林參 茯神 川貝 麥冬 海石 於朮 冬虫草 牡蠣

盧左。先天不足。後天又虧。年將弱冠。猶未身發。或瘧或血。此長彼消。上損已及中交。咳喘兼有嘔噦。盜汗淋漓。夜不安寐。脈象細數無神。舌質薄白而潤。兩補氣血是爲正當。

綿芪 貝母 浮小麥 桑葉 炙甘草 礞衣 牡蠣 黨參 杏仁 夏蟲 橘紅 茯苓

沈左。真陰不能治浮陽。真水不能制虛火。形瘦善食。口渴喜飲。脾家又爲木侮。腹脘遂爲痕滿。舌質光降。脈象浮弦。濟水火有陰陽。

大生地 丹皮 澤瀉 麥冬 豬桂 茯苓 黃柏 天冬 莖肉 知母 白芍 山藥

蔡左。病出多岐。難具縷述。面無華澤。目胞浮腫。脈無神韻。舌質糙膩。察其脈。審其症。不獨陰分虧。抑且氣分虛。所納之食。自覺不化。直下而趨。所飲

之湯。自覺不從咽管而滲。大便通瀉無常。小洩多少不勻。式微之元陽。忽聚忽散。有限之真陰。忽消忽長。延綿輾轉。已閱七旬。無大汗見端。無脫絕朕兆。推測源病在於肺。設或損壞在臟。豈無危險發現。不過病久。未始不傷其陰。不獨此也。奇經亦有所累。上下升降爲窄。左右道路爲阻。奇經有名而無形。見症如捕風捉影。現在調治之法。須宜通腑陽。而情志多疑慮。非草木所能療。

鹹從容 薑夏 牛膝 龍骨 蕤仁 橘紅 柏子仁 茯神 遠志 牡蠣 川石斛 別直參

復診。不食不知飢。多食不知飽。飲食不能直達。更衣不能通行。目胞浮腫。肢寒手麻。脅背一帶。似有瘕氣。咽喉一帶。似有窒礙。病纏三月。氣血戕傷。左脈細軟如絲。右脈沉弱如棉。口覺潤澤。舌無華色。見證複雜。治法頗幻。暫與激其濁。藉以揚其清。用調其升。即可和其降。

綿芪 桂枝炒白芍 薑皮 當歸 鹹從容 桑枝 於朮 姜夏 茯神 橘紅 炒芽谷

別直參

三診。脾與胃升降失司。腸與胃傳導失度。久病脾虛氣弱。久臥氣滯運鈍。口覺淡味。喜嗜甜物。是脾虛之一證也。目胞浮腫。復筭脹滿。是脾虛之二證也。頭鳴耳响。顯然虛象。背寒腰痛。亦是虛象。舌仍無華。脈尤無神。清陽之氣日虛。濁陰之氣日盛。中焦升降愈窒。下焦傳導愈阻。臟病宜藏。腑病宜通。臟腑俱病。用藥最難。仍擬揚清激濁。多用調升和降。

乳蒸於朮 威靈蓉 姜夏 廣皮 砂殼 桂炒白芍 蒼神 冬瓜皮 大腹 穀芽 別直參

淡附片

梅右。病纏既久。氣血並虧。始也陰虛不能制其陽。繼也陽虛不能生其陰。陽入於陰則多寐。陽不久陰則少寐。陰陽既云不足。循環必有逆亂。有時陽氣少降。有時陰火多升。子時後不復安寐。甚而達旦。腕宇自覺錯雜。劇時嘔泛。左右爲陰陽之道路。升降爲肝肺之所屬。陰陽虛升降亂。氣機自爲窒

礙。少腹攸有動逆。腕字乍展乍消。脅肋時掣時痛。少火生氣。壯火食氣。真水不足以制火。少火胥變爲壯火。火主銷鑠。津液爲耗。睡醒口覺乾燥。滿苔舌質淡絳。中央起紋。根底薄白。左三部脈細弦而大。重按尙有斂抑。右三部沉輒而小。重取並不渙散。經曰。陰平陽秘。精神乃治。錄方有陰潛陽。藉寧神志。參用益氣之虛以生血。少佐平氣之逆以和乎。

制妙生地 辰茯神 清炙草 綿芪 秋石搗熟地 米炒潯參 生白芍 龍齒 青黛麥冬

柏子仁 煨牡蠣 棗仁

復診。陰與陽爲相輔。氣與血爲相佐。陰虛則陽無以附。氣虛則血無以生。久痛不痊。久虛不復。陰陽並虧。氣血俱虛。左右道路。升降氣機。皆有窒礙。亦有逆亂。子後不寐。火升譫雜。左脈大。右脈小。舌光絳。中起紋。壯水之主。以制陽亢。益氣之虛。以瀉營源。

生地 炙草 杞子 丹參 白芍 地菊 阿膠 麥冬 煨仁 牛膝 雲苓 吉林鬚

張左脈約候五十至。並無息止見端。輕按若細。重按若滑。體豐陽虛。軀偉溼勝。益以思慮。越度致耗。心脾營陰。噯有酸氣。甚而冲逆於上。其間必有痰飲。妨礙胃氣降令。據云洩有蛋白質。亦是中有所不足。中氣不足。洩爲之變。此內經篇之明訓也。益中氣以搜溼痰。理中氣以調升降。

滿黨參 姜夏 廣皮 遠志 棗仁 茯苓 覆天糲 炙草 砂殼 穀芽 冬朮 竹茹

許左。舊冬先見形瘦。今春復加身熱。延綿已越一月。身熱又加形寒。營虛生熱。衛虛生寒。營衛二氣。晝夜循環不息。營衛兩虛。日暮寒熱不已。汗生於陰。而出於陽。陰陽俱不周密。自汗時有泄越。木火上炎於金。清肅遂爲失司。或有喉痒作咳。或有動輒氣逆。大便乍燥乍溼。小便忽短忽長。大腹常有攻動。甚而噯氣矢氣。舌質薄白。蒂丁起筋。左脈細弦而數。右脈小滑而數。細爲陰虛。數爲陽亢。陰陽久偏。防成勞損。滋陰妨礙於胃。勢難驟進潛陽。務使退熱。理所必須。參用壯水涵木。使中土無戕賊之害。複以潛火清金。俾上焦

得清化之擾。

牡蠣 鱉甲 龜版 炙草 元參 川貝 生苡 牛膝 扁豆衣 桑葉 白芍 蘆根

中 風

吳右。左部脈滑而弦大。痰中必兼風。右部脈滑而濡細。痰多必阻氣。氣化屬肺。風從於肝。肝肺兩經。風痰互阻。先神倦於寐。繼神煩少寐。咳噎痰出不少。脛滿食入不多。舌質白而黃。黃而黑。口中乾而燥。燥而渴。大便不通而不暢。小溲滯而不禁。往年跌仆。傷及環跳。舊年風痰。中入經絡。枝葉未凋。根本先撥。已見上實下虛。慮其陽動陰耗。中焦溼痰佔據。礙難滋填下焦。當先疏化溼痰。務使廓清中焦。參入宣肺以利氣化。複入洩肝以舒經絡。

竹瀝入姜汁 絲瓜絡白芥子拌 瓦楞子 生苡 蘆根 知母 薑皮風化硝搗 白杏仁

枇杷葉 梨皮 桑枝葉 茯苓神

馮左。肝腎內虧。風溼外淫。肌肉自覺縐脫。肛門又覺下墜。平日身軀。自

覺痠楚。現在小溲。又見紅赤。左脈細弦。右脈細數。風主乎肝。溼主乎脾。治法兩去風溼。藉以兩利肝脾。

黃芪 冬朮 當歸 白芍 川芎 羌活 獨活 防風 蒼皮 絲瓜絡 忍冬 稀莖草 桑枝

方左。八十大年。精神矍鑠。踝陰麻木。起來多年。踝骨痠楚。現於今春。痛傷於形。腫有浮腫。照此形狀。定是溼阻。傷於溼者。下先受之。由經絡而傷肌肉。由肌肉而傷筋骨。觀於步履維艱。可證肌肉經絡有附營衛。營衛流行。爲之乖和。形體寒熱。爲之往來。脈偏洪大。舌見薄黃。風痺宜防。溼腫尤虞。益氣血以和營衛。通經絡以搜風溼。

吉林須 桂枝 當歸 絲瓜絡 忍冬 淡草 炒木瓜 蒼皮 橘紅 木防己 牛膝 白芍

項右。血分多熱。爲汛早汛紫。氣分有滯。爲腹脹腹痛。痼聚攻觸。或左或右。此無形之氣阻。非有形之積滯。血不養經。氣入於絡。絡脈抽掣。屈伸不利。先偏於右手。繼及於左手。面滯舌黃。溼勝無疑。食少便溏。脾虛可知。頭暈脈

弦風勝使然。形瘦性躁。肝旺彰著。益氣補血。藉資灌溉。通經活絡。以利機關。

炒當歸 絲瓜絡 於朮 白芍 鈎鈎 桑枝葉 丹參 絲吐頭 木瓜 橘紅 忍冬

吉林額

董左風爲陽邪。善行數變。風有內外之別。中有經絡之分。風爲百病之長。兼全五氣。或兼寒溼。或兼痰火。左手腫大。右足痿軟。手指伸屈作痛。腰脊久坐痠楚。舌音多言。似有塞滯。脅腹之氣。有時攻動。左脈虛束無力。右脈濡軟帶滑。舌質薄黃。口不渴飲。係內風。非外風。中在經絡。未入臟腑。內風從身中陽氣之變動。溼痰乃胃中精微之蒸化。洩內風務在潛陽。化溼痰端在益胃。通血脈尤爲至要。宣氣絡又不可廢。

桂枝 木瓜 絲瓜絡 桑枝葉 法夏 穀芽 芪皮 蒼皮 麥冬 當歸鬚 梧桐花 忍冬

錢童。脊高漸及於背。環跳痛及於膝。病在於骨。骨主乎腎。經絡痠楚。筋骨痛掣。大便乍瀉乍結。身體時涼時熱。六脈沉大。兩補肝腎。

熟地 丹皮 澤瀉 黃肉 茯苓 首烏 當歸 於朮 党參 龜版 杞子 鹿角霜

沈左口角歪斜。偏在於左。手臂拘攣。亦偏於左。八月又見氣升作厥。隔昨又見故態復作。兩旬來不食不便。半月間不寐不寧。真氣不納於下。痰火留滯其中。升降逆亂。呃忒連聲。舌光少苔。脈滑少力。治法從痞痢門着想。俾得效力。庶可苟延。

熟地 靈芝 法夏 磁石 茯神 麻仁 秋石 牛膝 川貝 刀豆 橘紅 柿蒂

復診。內奪而厥。則爲痞痢。內奪者謂精血之枯槁。痞痢者爲中風之形狀。况兩旬餘勺穀不下。且半月來昏睡如寐。宗氣愈傷。下元愈竭。時有氣逆。時有呃忒。舌少苔。脈少力。做風痢門地黃飲法。

熟地 橘紅 慈蓉 法夏 茯神 牛膝 枸杞 秋石 麻仁 川貝 麥冬 稻頭

刘右。挾惑引動伏淫。積食援動肝氣。淫鬱化熱。氣鬱化火。益以中焦陳腐。逐漸變爲痰濁。半月來正不敵邪。三日間寒熱如瘧。腕有痞氣。便有流通。